

**RESOLUCIÓN REITORAL DE 2 DE
SETEMBRO DE 2026 POLA QUE SE
PROCEDE Á CONVOCATORIA DE
PROXECTOS DE INNOVACIÓN DOCENTE
ORIENTADOS Á VIRTUALIZACIÓN E
DIXITALIZACIÓN EN FACULTADES E
ESCOLAS DA UNIVERSIDADE DE VIGO
2026 E PROXECTOS DOS GRUPOS DE
INNOVACIÓN DOCENTE**

A sociedade actual é complexa, diversa, global e con cambios tecnolóxicos que modifican todas as áreas da vida humana.

Para afrontar estes retos a Universidade de Vigo quere promover actuacións de innovación docente a nivel tecnolóxico e metodolóxico nas facultades e escolas para conseguir mellorar a súa calidade docente e que o seu alumnado estea máis preparado e adaptarse mellor aos diferentes eidos da situación actual.

A Xunta de Galicia no seu convenio de I+D+i fomenta a promoción de proxectos en centros docentes innovadores e servizos de virtualización de laboratorios e dixitalización cun financiamento de 50.000 € para as devanditas actividades.

ESTA REITORÍA RESOLVE:

- > Publicar esta convocatoria no taboleiro de anuncios da Universidade de Vigo.
- > As solicitudes presentaranse na sede electrónica da Universidade de Vigo (<https://sede.uvigo.gal/>) a través do procedemento Instancia xenérica (PDI/PAS), co formulario engadido (Anexo I), e irá dirixido ao Centro de Posgrao e Formación Permanente, desde o día seguinte da publicación desta convocatoria ata as **23:59 horas do día 25 de setembro de 2026**.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses a contar desde o día seguinte ao da súa publicación (ou desde o día seguinte de recibir esta notificación), de conformidade co disposto na Lei 29/1998, do 13 de xullo, reguladora da xurisdición contencioso-administrativa.

Así e todo, as persoas interesadas poderán optar por interpoñer un recurso potestativo de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Asinado dixitalmente en Vigo.

A REITORA
P.D. R.R. 02/07/2026 (DOG do 8 de xullo)
O Vicerreitor de Docencia e Transformación Educativa
Xabier Martínez Rolán



PROXECTOS DE INNOVACIÓN DOCENTE EN FACULTADES E ESCOLAS DA UNIVERSIDADE DE VIGO E PROXECTOS DOS GRUPOS DE INNOVACIÓN DOCENTE 2026-2027**BASES XERAIS****I. OBXECTO DA CONVOCATORIA E ÁMBITO DE APLICACIÓN**

O obxecto da convocatoria é mellorar o ensino-aprendizaxe nos centros da Universidade de Vigo a través de tres canles, da virtualización en Metaverso de actividades académicas e formativas, da implantación de metodoloxías activas e da xeración de recursos didácticos sobre sostibilidade.

As solicitudes non poderán superar os 8.000 € (IVE incluído) por centro e 4.000€ (IVE incluído) por Grupo de Innovación Docente.

II. LIÑAS DA CONVOCATORIA

A. Virtualización en Metaverso de actividades académicas e formativas dos centros da Universidade de Vigo.

Os obxectivos de proxecto estarán directamente relacionados coas necesidades de virtualización que teña o centro en Metaverso.

B. Implantación de metodoloxías activas como a aula invertida, aprendizaxe baseado en proxectos, casos prácticos, traballo colaborativo, docencia baseada nas tecnoloxías dixitais e comunicación...

Os conceptos para solicitar a axuda serán directamente relacionados coas metodoloxías docentes a desenvolver: cursos de formación do profesorado do centro, conferencias, obradoiros, recursos educativos (software e hardware) para as actividades formativas... Non se considera subvencionable o material inventariable de tipo informático xeral.

III. REQUISITOS

Poden solicitar os proxectos:

- Os equipos decanais das facultades ou equipos directivos das escolas coa participación dos grupos de innovación docente da Universidade de Vigo.

- Os Grupos de Innovación Docente activos na data da convocatoria.

Na liña A, as solicitudes deben estar vencelladas ás necesidades de virtualización que precisan as materias das titulacións dos centros.

Na liña B, as solicitudes deben indicar a metodoloxía innovadora que estrutura o proxecto docente presentado e as materias da/s titulacións do/s centro/s nas que se introducirá a metodoloxía no curso académico 2026/2027.

Os centros poderán presentar ata unha solicitude por liña, sempre que sexan actuacións claramente diferenciadas.

IV. DOTACIÓN ECONÓMICA

Os fondos destinados a esta convocatoria son os seguintes:

> 50.000 € con cargo ao Convenio I+D+i da Xunta de Galicia 2026.



A distribución do orzamento pode variar en función da calidade das solicitudes presentadas.

V. PROCEDEMENTO DE CONTRATACIÓN COS PROVEDORES/AS

Na liña A, os equipos decanais das facultades, equipos directivos das escolas ou coordinador/a do Grupo de Innovación Docente presentarán as súas necesidades de virtualización á Área de Formación e Innovación Educativa que contratará os servizos cos provedores/as para o desenvolvemento dos proxectos concedidos.

Na liña B, os equipos decanais das facultades, equipos directivos das escolas ou coordinador/a do Grupo de Innovación Docente presentarán os orzamentos á Área de Formación e Innovación Educativa en forma de facturas proforma e a área contratará os servizos coas empresas provedoras.

VI. PRESENTACIÓN DE SOLICITUDES E DOCUMENTACIÓN

Os equipos decanais das facultades, equipos directivos das escolas ou coordinador/a do Grupo de Innovación Docente presentarán as solicitudes na sede electrónica da Universidade de Vigo (<https://sede.uvigo.gal/>) a través do procedemento Instancia xenérica (PDI/PAS), co formulario engadido (Anexo I), que irá dirixido ao Centro de Posgrao e Formación Permanente.

O prazo de presentación de solicitudes comezará o día seguinte da publicación desta convocatoria ata ás 23:59 horas do 25 de setembro de 2026.

VII. SELECCIÓN E RESOLUCIÓN

As solicitudes serán revisadas e valoradas en réxime de concorrencia competitiva pola comisión específica formada por:

- > Xabier Martínez Rolán. Vicerreitor de Docencia e Transformación Educativa.
- > Fernando Cerdeira Pérez. Director do Centro de Posgrao e Formación Permanente.
- > Rebeca Santiago Cobo. Técnica Superior da Área de Formación e Innovación Educativa.

A comisión poderá consultar con persoas expertas en cada unha das temáticas.

Na selección terase en conta tanto a calidade da proposta como o ámbito de aplicación (número de titulacións, materias e estudantes), o equilibrio territorial e o equilibrio entre ámbitos de coñecemento na UVigo, así como a avaliación e seguimento.

O Centro de Posgrao e Formación Permanente publicará a listaxe provisional dos proxectos seleccionados. Os proxectos serán susceptibles de ser modificados para adaptalos aos fondos dispoñibles.

As persoas interesadas disporán dun prazo de tres días hábiles contados a partir do día seguinte á publicación da resolución provisional para achegar alegacións. Estas presentaranse na sede electrónica da Universidade de Vigo (<https://sede.uvigo.gal/>) a través do procedemento Emenda e mellora das solicitudes e irá dirixido ao Centro de Posgrao e Formación Permanente.

Revisadas as emendas pola comisión específica, o Centro de Posgrao e Formación Permanente publicará a proposta de resolución definitiva de proxectos concedidos e denegados no Taboleiro de anuncios da sede electrónica da Universidade de Vigo (<https://sede.uvigo.gal/public/bulletin/bulletin-index.xhtml>).

VIII. OBRIGAS

Os equipos decanais das facultades, equipos directivos das escolas ou coordinadores dos



Grupos de Innovación Docente comprométense a participar de forma activa no desenvolvemento do proxecto e a realizar o seguimento dos indicadores que permitirán analizar o impacto na aprendizaxe do estudiantado do centro.

Os equipos decanais das facultades, equipos directivos das escolas ou coordinadores dos Grupos de Innovación Docente achegarán toda a documentación xustificativa do proxecto á Área de Formación e Innovación Educativa da Universidade de Vigo (cpfp.innovacion@uvigo.gal).

Os equipos decanais das facultades, equipos directivos das escolas ou coordinadores dos Grupos de Innovación Docente terán que enviar a cpfp.innovacion@uvigo.gal a memoria do Anexo II antes do 15 de decembro de 2026. Nela indicaranse os obxectivos acadados.

IX. REVISIÓN

Se despois de analizar a memoria do Anexo II existise algunha desviación entre o concepto solicitado e o uso da axuda, a Comisión podería solicitar a devolución da axuda.

X. CONSULTA DE INFORMACIÓN

Se precisa información sobre esta convocatoria pode solicitala en:

Área de Formación e Innovación Educativa
cpfp.innovacion@uvigo.gal

986 812 035

XI. PROTECCIÓN DE DATOS

De acordo co disposto no artigo 13 do Regulamento (UE) 2016/679, do Parlamento Europeo e do Consello, de 27 de abril, relativo á protección das persoas físicas no que respecta ao tratamento de datos persoais e á libre circulación destes datos polo que se derroga a Directiva 95/46/CE (Regulamento Xeral de Protección de Datos ou "RXPDP") e co disposto no artigo 11 da Lei orgánica 3/2008, de 5 de decembro, de protección de datos persoais e garantía dos dereitos dixitais, informámoslle que os datos que vostede nos facilite na solicitude, serán tratados baixo a responsabilidade da Universidade de Vigo, coa finalidade de tramitar os proxectos piloto de innovación docente amparados a esta resolución.

Coa participación nesta convocatoria as persoas interesadas autorizan á Universidade de Vigo para a publicación dos seus datos, de acordo cos principios de publicidade e transparencia, cando así se derive da natureza desta convocatoria.

Estes datos trataranse durante o tempo imprescindible para cumprir coa finalidade e serán conservados durante o prazo necesario para determinar as posibles responsabilidades que se puideran derivar de dita finalidade e do tratamento dos datos.

Vostede ten dereito a solicitar á persoa responsable de tratamento, en calquera momento, o acceso, rectificación ou supresión dos seus datos persoais e a limitación do seu tratamento. Tamén terá dereito a oporse ao devandito tratamento, así como a solicitar, salvo casos de interese público e/ou exercicio de poderes públicos, a portabilidade dos seus datos.

Os devanditos dereitos poderá exercelos a través da sede electrónica da Universidade de Vigo (<https://sede.uvigo.gal/>) preferentemente a través do procedemento específico SXER-Exercicio dereitos de protección de datos ou mediante solicitude dirixida ao Reitor da Universidade de Vigo e presentada ante as Oficinas de Asistencia en Materia de Rexistro da Universidade de Vigo ou calquera dos rexistros ou oficinas de correos indicados no artigo 16 da Lei 39/2015, de 1 de outubro, do procedemento administrativo común das administracións públicas e remitida á Secretaría Xeral da Universidade de Vigo, Campus universitario Lagoas-Marcosende, 36310 Vigo (Pontevedra). Para máis información: <https://www.uvigo.gal/proteccion-datos>.

Igualmente poderá dirixir dita solicitude ao Delegado de Protección de Datos da Universidade



de Vigo, ao correo electrónico: dpd@uvigo.gal.

Así mesmo, vostede terá dereito a presentar unha reclamación ante a Axencia Española de Protección de Datos (AEPD).

INFORME DE FIRMA, no sustituye al documento original | C.S.V. : GEN-5eac-9350-d49c-a841-22a2-dec5-a9c4-6c58 | Puede verificar la integridad de este documento en la siguiente dirección: <https://run.gob.es/hsb0d8bw6q>



ANEXO I

PROXECTOS PILOTO DE INNOVACIÓN DOCENTE EN FACULTADES E ESCOLAS DA UNIVERSIDADE DE VIGO E PROXECTOS DOS GRUPOS DE INNOVACIÓN DOCENTE 2026

IMPRESO DE SOLICITUDE

Centro ou GID que solicita o proxecto

Coordinador/a do proxecto (persoa da dirección do centro ou coordinador/a do GID)

> Apelidos

> Nome

> NIF

> Correo

> Telf. móbil

Equipo de traballo

Apelidos

Nome

DNI

Correo

Información sobre o centro

> Titulación participante

> Nº aproximado de docentes que participarán no proxecto

> Perfil dos/as docentes

> Nº aproximado de estudantes que participarán no proxecto



Liñas de traballo

- ☐ A. Virtualización en Metaverso de actividades académicas e formativas dos centros da Universidade de Vigo.
Os obxectivos de proxecto estarán directamente relacionados coas necesidades de virtualización que teña o centro.

- ☐ B. Implantación de metodoloxías activas como a aula invertida, aprendizaxe baseado en proxectos, casos prácticos, traballo colaborativo, docencia baseada nas tecnoloxías dixitais e comunicación...
Os conceptos para solicitar a axuda serán directamente relacionados coas metodoloxías docentes a desenvolver: cursos de formación do profesorado do centro, conferencias, obradoiros, recursos educativos (software e hardware) para as actividades formativas...

Non se considera subvencionable o material inventariable de tipo informático xeral.

DESCRICIÓN DAS LIÑAS:

Na Liña A: Elección da estratexia de innovación docente que vertebrará o proxecto piloto do centro ou GID (xustificación da innovación no centro, adecuación á titulación/s do centro, beneficios no estudantado...).

Na Liña B: Necesidades de virtualización (xustificación adecuación á titulación/s do centro, beneficios no estudantado).

Plan de traballo

- > Materias da titulación incluídas no proxecto piloto

- > Como se consegue a cohesión das materias da titulación?

- > Actividades, recursos, materiais a desenvolver



> Fases, cronograma de implantación

> Inclusión de profesorado novel

Orzamento de gastos para o desenvolvemento do proxecto

> Xustificación do orzamento: necesidades formativas, recursos, medios para desenvolver o proxecto

> Orzamento

Concepto	Unidades	Contía
Total		

Seguimento e avaliación do proxecto (indicadores e evidencias da mellora dos resultados de aprendizaxe e rendemento académico)

Impacto esperado do proxecto

Materias do centro ás que podería estenderse o proxecto no seguinte curso académico



Sinatura dixital da persoa solicitante

INFORME DE FIRMA, no sustituye al documento original | C.S.V. : GEN-5eac-9350-d49c-a841-22a2-dec5-a9c4-6c58 | Puede verificar la integridad de este documento en la siguiente dirección: <https://run.gob.es/hsb0d8bw6q>



ANEXO II

CONVOCATORIA DE PROXECTOS PILOTO DE INNOVACIÓN DOCENTE EN FACULTADES E ESCOLAS DA UNIVERSIDADE DE VIGO E PROXECTOS DOS GRUPOS DE INNOVACIÓN DOCENTE 2026

Enviarase antes do 15 de decembro de 2026 a cpfp.innovacion@uvigo.gal.

Persoa solicitante

Apelidos

Nome

MEMORIA DO PROXECTO

Resumo do plan de traballo que se desenvolveu, análise de indicadores ou enquisas realizadas para valorar o impacto do proxecto piloto no estudantado. Incluírase se houbo algunha desviación respecto da planificación inicial.

Valoración das posibles accións futuras no centro a partir dos resultados obtidos.

Sinatura dixital da persoa solicitante

